

Philea Resort hulur 'angpau' kepada warga emas

AYER KEROH 26 Jan. - Kegembiraan jelas terpancar di wajah 18 warga emas Rumah Sejahtera Orang Tua Machap Baru sebaik menerima 'angpau' Tahun Baru Cina yang dihulurkan oleh Pengarah Pemasaran dan Komunikasi Philea Resort and Spa, Connie Chan serta krew dari resort bertaraf 5 bintang itu.

Warga emas yang diraikan tidak sekadar menerima sumbangan 'angpau' dan limau Mandarin, bahkan

peluang menggaul 'Yee Sang' pastinya menjadi detik paling ceria sekali gus menggamit kenangan manis bersama keluarga suatu ketika dahulu.

"Penghuni Rumah Sejahtera begitu ceria kerana dapat menjamah Yee Sang dan menikmati hidangan lain yang disediakan oleh Chef Wang Huee Suan," ujar Connie Chan.

Sementara itu, Eksekutif Kanan Komunikasi dan Pemasaran, Tee Mei

Fong berkata, kunjungan krew resort berkenaan adalah sebahagian dari program komuniti yang dilakukan menjelang sesuatu musim perayaan.

"Hasrat kami mahu memberikan sedikit keceriaan dengan harapan membawa permulaan bertuah sempena kehadiran Tahun Kuda kepada warga emas di Rumah Sejahtera Orang Tua Machap Baru," ujarnya.



WARGA emas Rumah Sejahtera Orang Tua Machap Baru ceria menggaul 'Yee Sang'.



KREW Philea Resort and Spa bersama warga emas Rumah Sejahtera Orang Tua Machap Baru.